



# O Gaoioiga o le Sau, Mulimuli Mai ia te A'u

Mo afiafi faaleaiga po o le suesueina o tusitusiga paia—pe tau lava o se mea manaia!

29 Iulai–4 Aokuso

## Mea Iti, Eseelega Tele

MO LE ALEMA 36–38

Faatasi ai ma le fesoasoani a le Tama Faalelagi, e mafai ai e mea laiti ona faia se eseeseega tele (tagai Alema 37:6–7). Fesoasoani e fai lau kuka e sili ona e fiafia i ai. O le a le mea o le a tupu i le kuka pe afai e te aveesea se tasi o mea e manaomia? Talanoa e uiga i le auala e mafai ai e mea laiti ona faia se eseeseega ma le auala e mafai ai foi ona e faia se eseeseega.

**Mo tamaiti laiti:** Vaavaai mo mea laiti e aoga, e pei o se tamai fatu e liua i se laau po o se ki o se moli e ki ma maua ai le malamalama. Talanoa e uiga i le auala e mafai ai e mea laiti ona faia se eseeseega tele, e pei lava o oe!



5–11 Aokuso

## Gaoioiga o le Toetu

MO LE ALEMA 39–42

Na aoao mai Alema e uiga i le toetu (tagai Alema 40:23). Fai se papeti e foliga ia te oe! E mafai ona e faaogaina se taga pepa, fasipepa, po o se totini e fai ai se papeti. Faaoga maka, vali, vulu, po o isi mea e teuteu ai. O lou lima e pei o lou agaga, ma o lau papeti e pei lava o lou tino. Ona o Iesu Keriso, o le a toe faatasia ai o tatou tino ma agaga e faavavau pe a mavae lo tatou toetutu.

**Mo tamaiti laiti:** Fai se mea e faaminoi ai lou tino, e pei o le siva po o le taalo! Ona talanoa lea i le uiga o le toetu o lona uiga o le a tatou toe maua o tatou tino pe a mavae ona tatou feoti.

12–18 Aokuso

## Olo o le Saogalemu

MO LE ALEMA 43–52

A o sauniuni Taitaiu Moronae mo le taua, sa ia fausia ni mea faataamilo i le aai ina ia saogalemu ai tagata (tagai Alema 50:1–6). Fau ma lou aiga se olo! O taimi uma lava e te faapoopo ai se mea fou i lou olo, ta'u se mea e mafai ona e faia e tausisia ai le saogalemu faaleagaga o lou aiga, e pei o le faitauina o tusitusiga paia po o le tatalo.

**Mo tamaiti laiti:** Fau se olo e nofo ai i totonu. Talanoa e uiga i le auala e fausia ai e tagata olo ina ia saogalemu. Ona talanoa lea e uiga i le auala e mafai ai ona tatou faasaogalemuina faaleagaga o tatou aiga e ala i le faitauina o tusitusiga paia.



19–25 Aokuso

## O Tusi o le Alofa

MO LE ALEMA 53–63

Na tusia e Helamana ma isi taitai ni tusi e faamatala ai e le tasi i le isi mea lelei ma mea leaga na tutupu i taua (tagai Alema 56). E mafai foi ona e tusia ni tusi! Tusi atu sau tusi i se tagata o lou aiga po o se uo. Tusi i lalo mea lelei o loo tutupu i lou olaga ma mea e faigata ia te oe. Ona auina atu lea o lau tusi!

**Mo tamaiti laiti:** Faataitai le tusitusi "Ou te alofa ia te oe" pe tusi se ata o se fatu e avatu i se tasi e te alofa i ai. Talanoa e uiga i le auala na tusia ai foi e perofeta i tusitusiga paia ni tusi.



O ATA NA TUSIA E KATY DOCKRILL